

आकाशवाणी

- प्रधानमंत्री नरेंद्र मोदी होरें तमिलनाडू च अज्ज पम्बन वर्टिकल लिफ्ट सी ब्रिज दा उद्घाटन कीता ते 8300 करोड़ रपे दी लागत आहिलें रेल ते सड़क परियोजनाएं दा नीह पत्थर बी रक्खेआ।
- प्रधानमंत्री नरेंद्र मोदी हुंदा त्रै रोजा श्रीलंका दौरा मुकम्मल करदे होई भरोसा जताया जे इस दौरे कन्नै दौनें मुल्लें दे दपक्खी सरबंधें गी मजबूती थ्होग। उनें आखेआ जे श्रीलंका दी विकास जात्तरा च समर्थन देने दा भारत गी मान ऐ।
- केंद्री गृह मंत्री अमित शाह होर अज्ज गुजरात ते राजस्थान दा दौरा मुकम्मल करने दे बाद हुनै कोला किश चिर पैहले जम्मू पुज्जी गेन, इस दौरान ओहू केंद्र शासित प्रदेश दे पूरे-पराते हालात दी समीक्षा दे अलावा केई विकास परियोजनाएं दी बी शुरूआत करडन।
- राष्ट्रपति द्रौपदी मुर्मू होर अज्ज पुर्तगाल ते स्लोवाकिया दे चार दिनें दे दौरे पर रवाना होई गेइयां न।
- मुख भरै च भगवान श्रीराम हुंदा जरमध्याडा रामनौमी अज्ज पारम्परिक धार्मिक श्रद्धा ते उत्साह कन्नै मनाया जा करदा ऐ।
- ते आई.पी.एल-टी 20 क्रिकेट च सन राइजर्स हैदराबाद ते गुजरात टाइटन्स बश्कार मकाबला हुनै कोला किश चिर मगरा शुरू होने आहला ऐ।

<><><><><><>

PM Tamil Nadu Visit

प्रधानमंत्री नरेंद्र मोदी होरें अज्ज पम्बन वर्टिकल सी ब्रिज दा उद्घाटन कीता ते तटरक्षक बल दे ज्हाज गी झंडी दस्सियै रवाना कीता। मोदी होरें रामेश्वरम तांबरम एक्सप्रेस गी बी झंडी दस्सियै रवाना कीता। इस पुल च स्वचलित इलेक्ट्रो मकेनिकल लिफ्ट सिस्टम ऐ जेडा इसी 17 मीटर उप्पर चुक्कने च मदद करोग तां जे एहदे हेठ थमां ज्हाज सखल्ला लंघी सकै। पम्बन रेल पुल 550 करोड़ रपे दी लागत कन्नै तैयार कीता गेदा ऐ ते एहदा रामायण कन्नै गहरा सांस्कृतिक सरबंध ऐ। एह पुल रामेश्वरम गी

मुख्य भूमि कन्नै जोड़गा। अज्ज राम नौमी दे पवित्र मौके पर प्रधानमंत्री मोदी होंरें रामेश्वरम मंदरै च मत्था बी टेकेआ। एह्दे अलावा प्रधानमंत्री होंरें रामेश्वरम कन्नै जोड़ने आहली 8 ज्हार 300 करोड़ रुपें दी कीमतै आहली कई परियोजनाएं दा उद्घाटन कीता ते केइयें दा नीह पत्थर बी रक्खेआ। इस मौके पर लोकें दे किट्टु गी संबोधित करदे होई प्रधानमंत्री होंरें आखेआ जे पिछले 10एं बरें च सरकार नै मुल्लखै दियें सारे नुक्करें गी इक-दुए कन्नै जोड़ने लेई ढांचे गी मजबूत करने पर चेचा ध्यान दित्ता ऐ। परियोजनाएं दा उद्घाटन करदे होई प्रधानमंत्री होंरें इनेंगी रामनौमी दे मौके पर तोहफा दस्सेआ ते संगम साहित्य च भगवान राम हुंदे जिक्र गी चेत्ता कीता। अपने संबोधन च प्रधानमंत्री होंरें साबका राष्ट्रपति अब्दुल कलाम हुंदा बी जिक्र कीता जिंदा जन्म रामेश्वरम च होआ हा। प्रधानमंत्री होंरें आखेआ जे साबका राष्ट्रपति अब्दुल कलाम हुंदा जीवन दस्सदा ऐ जे किआं साइंस गी अध्यात्म कन्नै जोड़ेआ जाई सकदा ऐ।

<><><><><><>

PM-Srilanka

प्रधानमंत्री नरेंद्र मोदी हुंदी त्रै ध्याड़े दी श्रीलंका जात्तरा अज्ज सम्पन्न होई गई। उन्दी इस जात्तरा नै दवें गोआंडी मुल्लखें बश्कार लम्में चिरें थमां चलदे आवा'रदे सरबधें च इक्क नमां ध्याऽ जोड़ेआ ऐ। जात्तरा दे खीरी ध्याड़े प्रधानमंत्री ऐतिहासिक शहर अनुराधापुरा पुज्जे ते श्रीलंका दे राष्ट्रपति अनुरा कुमारा दिसानायके हुंदे कन्नै संयुक्त रूप कन्नै महो ओमनाथाई रेलवे लाइन दा उद्घाटन कीता। दौनें नेताएं महो अनुराधापुरा खंड पर इक नमीं सिंगलिंग ते दूरसंचार प्रणाली परियोजना दा शुभारम्भ बी कीता। एह परियोजना भारत दे सहयोग कन्नै विकसित कीता गई ऐ। बाचा श्री मोदी ते श्री दिसानायके हुंदे बश्कार दपक्खीय वार्ता होई जेदे च दौनें नेताएं भारतीय मछेरें दी रिहाई दे मुद्दे पर चर्चा कीती। विदेश सचिव विक्रम मिश्री होंरें दस्सेआ जे एह्दे बाद श्रीलंका सरकार नै 11 भारतीय मछेरें गी रिहा करी दित्ता। एह्दे अलावा श्रीलंका च विकास कम्में आस्तै भारत आसेआ 100 मिलियन डालर दे दोआर गी अनुदान च बदलने ते पूर्वी प्रांत आस्तै 2 अरब 40 करोड़ श्रीलंकाई रुपे दे पैकेज दी घोषणा कीती गई।

<><><><><><>

PM SL Thanks

प्रधानमंत्री नरेंद्र मोदी होरें अपनी श्रीलंका जात्तरा दौरान उन्दे निग्गे सुआगत लेई श्रीलंका दे राष्ट्रपति अनुरा कुमारा दिसानायके, उत्थूं दी जनता ते सरकार गितै आभार प्रगट कीता ऐ। अपनी इक सोशल मीडिया पोस्ट च प्रधानमंत्री मोदी होरें आखेआ जे इस जात्तरा नै दौनें मुल्लें बशकार निग्गर ते नेइमें सांस्कृतिक आध्यात्मिक ते सभ्यता सरबंधि रिश्तें दी तस्दीक होई ऐ।

<><><><><><>

HM J&K

गुजरात ते राजस्थान दा दौरा मुकम्मल करने दे बाद केन्द्री गृहमंत्री अमित शाह होर अज्ज संज्ञा हुनै कोला किश चिर मगरा जम्मू-कश्मीर पुज्जारदे ना। अपने दौरे दरान ओह सुरक्षा स्थिति दा जायजा लेंगन ते सुरक्षाबलें कन्नै गल्लबात करगंन। अपने त्रै दिन दे दौरे दरान शाह होर बीजेपी दे विधायकें कन्नै जम्मू च बैठक लांगन। एह्दे अलावा यूनीफाइड मुख्यालय च सुरक्षा जायजा बैठक ते सलाना श्री अमरनाथ जी दी यात्रा दी तैआरिएं दी बी समीक्षा करगंन। ओह वर्चुअल माध्यम राएं केई सारी परियोजनाएं दा जम्मू कश्मीर च उद्घाटन करगंन ते केइएं दा नीह पत्थर रक्खगंन। जम्मू-कश्मीर कोला पैहले उनें अज्ज गुजरात ते राजस्थान दा बी दौरा कीता।

<><><><><><>

Amit-Shah Rajasthan

केन्द्री गृह मंत्री अमित शाह होरें अज्ज राजस्थान दे कोटपुतली बहरोड जिले दे पावटा च इक धार्मिक समारोह च हिस्सा लैता। उनें बावड़ी च योगी बाबा बाल नाथ हुंदी तपोस्थली च 108 कुंडीय रूद्र महामृत्युंजय महायज्ञ दे समापन कार्यक्रम च बी हिस्सा लैता ते सनातन धर्म सम्मेलन गी बी संबोधित कीता। उनें आखेआ जे बाबा बालनाथ आम लोकें दी भलाई-बेहतरी, पर्यावरण दे संरक्षण, जीएं जैतुएं, पशु-पक्षिं दी सेवा ते समाज च सद्भाव ते भाईचारा बनाई रखने लेई कम्म करदे रेह न ते उन्दे

अनुयायिणं गी बी उंदी दस्सी दी बत्तै पर गै टुरना होगा। इस महाया च राजस्थान दे अलावा होरनें राज्यें थमां बी बड़ी बद्द गिनतरी च लोकें हिस्सा लैता।

<><><><><><>

HM-Gujrat

केंद्री गृह ते सहकारिता मंत्री अमित शाह होरें आखेआ ऐ जे करसान हैलें सरबन्धी सहकारी कंपनी इफको दे अनुसंधान ते विकास कम्में दी वजह कन्नै नैनो यूरिया ते नैनो डीएपी नै समूलची दुनिया च भारत दी पंछान ते रूतबे गी होर मता निखारेआ ऐ। अज्ज गांधी नगर दे कलोल च इफको दे स्वर्ण जयंती समारोह गी संबोधित करदे होई उनें आखेआ जे इफको नै अज्जै कल्लै दिणं, भलिणं नमिणं प्रयोगशालाएं च कीते गेदे तजुबे दे फायदें गी करसानें दे खेत्तरें तगर पुजाइयै शानदार कम्म कीता ऐ। इस मौके पर अमित शाह होरें बीणं दे अनुसंधान सरबन्धी इफको दी इकाई दा बी उद्घाटन कीता।

<><><><><><>

US-Terrifs

संयुक्त राज्य अमरीका दे सीमा शुल्क दफ्तरें, केइयें देशें थमां सब्भनें आयातें पर राष्ट्रपति डोनाल्ड ट्रम्प हुंदे इकतरफा 10 प्रतिशत टैरिक गी वसूलना शुरू करी दित्ता ऐ। अमरीकी आयातकें आसेआ भुगतान कीता जाने आहला एहू टैरिफ शनिवारें अद्दी रातीं थमां अमरीकी बंदरगाहें, ब्हाई अहुं ते सीमा शुल्क गोदामें पर लागू होई गेआ। इस टैरिफ कन्नै सब्भनें शा पैहलें प्रभावित होने आहलें देशें च आस्ट्रेलिया, ब्रिटेन, कोलंबिया, अर्जेटीना, मिस्र ते साउदी अरब शामिल ऐ। 57णं बड्डे देशें दे समेयान पर राष्ट्रपति ट्रम्प दी 11 प्रतिशत थमां 50 प्रतिशत तगर दियां उच्च टैरिफ दरां अद्दी रातीं थमां लागू होई गेइयां ना।

<><><><><><>

America-Protest

अमरीका च लक्खां लोक राष्ट्रपति डोनाल्ड ट्रम्प हुंदी आर्थिक नीतिएं ते सरकारी नौकरिं गी घट्ट करने दी योजना खलाफ प्रदर्शन करा करदे ना। अमरीका दे सब्भनें 50 राज्यें ते दुनिया दे बी केई मुल्ले च इस बारै विरोध प्रदर्शन होआ करदे ना। राजधानी वाशिंगटन च सब्भनें शा बड्डा प्रदर्शन होआ जित्थे लक्खें दी गिनतरी च प्रदर्शनकारी किट्टे होए ते ट्रम्प हुंदे फैसलें दा विरोध कीता। अमरीका च सरकार पर अरबपतिं दे प्रभाव, ट्रम्प प्रशासन च बड्डे पैमाने पर भ्रष्टाचार, सरकारी मलाजमी दे छटनी, सेहत बजट च कमी ते होर केई विषयें गी लेइयै प्रदर्शन होआ करदे ना। इस्सै दौरान व्हाइट हाउस दे दफ्तर पाससेआ आखेआ गेआ ऐ जे लोकें लेई समाजी सुरक्षा ते इलाज मोआलजे दी सुविधा गी जारी रक्खेआ जाग।

<><><><><><>

Israel-Protest

इस्राइल दी जनता इनें दिनें हर रोज विरोध प्रदर्शन करियै सरकार अग्गे गाजा च बंधक बनाए गेदे सब्भनें लोकं गी रिहा करने लेई हमास कन्नै गल्लबात दी मंग करा करदी ऐ। तेल अवीव च इक रैली च प्रदर्शनकारिं युद्ध विराम ते गल्लबात दी जोरदार मंग कीती ऐ। गाजा दे सेहत अधिकारिं पिछले 24 घंटे च इस्राइली ब्हाई ते जमीनी हमलें च घट्टोघट्ट 60 लोकें दे मारे जाने दी जानकारी दिती ऐ। हालिया सर्वेक्षणें सवां पता लगदा ऐ जे 69 प्रतिशत इस्राइली बंधक बनाए गेदे लोकें दे रिहाई दे बदले संघर्ष विराम दा समर्थन करदे ना। इस्राइली प्रधानमंत्री बेन्यामिन नेतन्याहू हुंदा संगारें अमरीका दे राष्ट्रपति डोनाल्ड ट्रम्प हुंदे नै मिलने दा कार्यक्रम ऐ जिस दौरान गाजा युद्ध विराम पर गल्लबात होने दी मेद जताई जा रही ऐ।

<><><><><><>

Ram Navmi

मुल्ले दे बक्ख-बक्ख हिस्सें च रामनौमी पूरी धार्मिक श्रद्धा ते जज्वे कन्नै मनायाई जा'रदी ऐ। एह ध्यार भगवान विष्णु दे 7में अवतार भगवान राम दे जन्म ध्याडे दे रूपै च मनाया जंदा ऐ। अयोध्या च

लोक रामनौमी पूरे जोश कन्नै मना'रदे ना। श्री राम जन्मभूमि मंदरै च रामनगरी च विशेष अनुष्ठान कीते जा'रदे ना। अयोध्या च रामनौमी दी खुशी सब्भनें थाहरें व्याप्त ऐ। जय श्रीराम दे जयकारे रामनगरी च गूंजा रदे ना। इस मौके पूरी दुनिया थमां श्रद्धालु अयोध्या च श्री राम जन्मभूमि मंदरै च रामलला दे दर्शनें लेई किट्टे होए देन। रामनौमी दे इस पवित्र मौके पर श्री राम जन्म भूमि मंदरै च ठीक दपैहरी 12 बजे राम लला दे मत्थे पर सूरज दिएं किरणें तिलक लाया। एहू दक्ख कोई 4 मिनट चलेआ। राष्ट्रपति द्रौपदी मुर्मू ते प्रधानमंत्री नरेंद्र मोदी होरें पूरे देशवासिं गी इस पवित्र मौके पर अपनियां शुभकामनां भेंट कीतियां ना।

<><><><><><>

Navratras-Kanjak Poojan

कटडा दिएं त्रिकुटा पहाड़िं च राम नौमी दे पवित्र ध्याड़े पर श्री माता वैष्णो देवी जी दे दरबार श्रद्धालुएं दी भारी भीड़ लगातार जारी ऐ। नरातें दे मौके पर श्री माता वैष्णो देवी जी दी पवित्र गुफा दी बत्ता श्रद्धालुएं दी सखाल आस्तै हासिल करोआई जा'रदिएं सहूलतें ते सेवाएं बारै दस्सदे होई श्री माता वैष्णो देवी अस्थापन बोर्ड दे मुख् कार्जकारी अधिकारी अंशुल गर्ग होरें दस्सेआ जे इस बारी स्मार्ट लॉकर सरिस्ता शुरू कीता गेआ जेदी बड़ी शैल प्रतिक्रिया थहोई ऐ। जम्मू च रामनौमी पूरे धार्मिक जोष ते जज्बे कन्नै मनाई गेई। बड़ी मती गिनतरी च श्रद्धालुएं माता दे मंदरें वशेष करी बावे आहली माता दे मंदरै च मत्था टेकेआ। लोक बडुलै मूंह न्हरे थमां गै मंदरें च जा'रदे न ते माता रानी ते भगवान राम दा शीरवाद पा'रदे ना। पारम्परिक भजन-कीर्तन आध्यात्मिक वातावरण पैदा करा'रदे हे। अज्ज श्रद्धालुएं नरातें दे बरत पूरे करियै अपने-अपने घरें च कंजकां पूजियां ते मां दुर्गा दा अशीर्वाद पाया। न्याणिं कुड़िं गी कंजक रूपै च पूजने दी परम्परा ऐ जेदे मगरा 9 दिन चलने आहला नराता उत्सव सम्पन्न होई जंदा ऐ। इस दौरान श्रद्धालुएं पैहले रातें लाई दी साख गी बगदे पानियै च परवाई।

<><><><><><>

Indian-Aid Myanmar

भूंचाल प्रभावित म्यामां लेई भारत नै मनुक्खता दी बिनाह पर म्यामां च भारती सेना फील्ड अस्पतालै दी युनिट गी 31 टन मदाद भेजी ऐ। एह मदाद इक हैवी लिफ्ट एयरक्राफ्ट सी-17 ग्लोब मास्टर च मंडाले च भेजी गई। इक सोशल मीडिया पोस्ट च विदेश मंत्री डॉ. एस जयशंकर होरें आखेआ जे आप्रेशन ब्रम्हा तैहत सी-17 जहाजै राहें 31 टन मनुक्खी मदाद मण्डाले लेई भेजी गई।

<><><><><><>

BJP-Day

भारती जनता पार्टी अज्ज अपना स्थापना दिवस मना करदी ऐ। इस सिलसिले च मुख्य भरै च केई कार्जक्रम आयोजित कीते गो। इस मौके पार्टी दे राश्ट्रीय अध्यक्ष जे.पी नड्डा होरें आखेआ जे पार्टी नै हकुमत च औने लेई अपने सिद्धांतें, उसूलें ते विचारधारा कन्नै कदें कोई समझौता नेई कीता। स्थापना दिवस दे मौके पर नमी दिल्ली स्थित पार्टी मुख्यालय च कार्जकर्ताएं गी संबोधित करदे होई उनें आखेआ जे पार्टी दी विचारधारा भारतीय परम्परा ते संस्कृति कन्नै जुड़ी दी ऐ। इस मौके पर नड्डा होरें जनसंघ ते बीजेपी दे संस्थापकें श्यामा प्रसाद मुखर्जी, पंडित दीनदयाल उपाध्याय, अटल बिहारी वाजपेई, लाल कृष्ण आडवाणी ते जननाथ राव जोशी हुंदे जोगदान गी बी चेता कीता। उनें दस्सेआ जे अगले इक हफ्ते दौरान पार्टी कार्जकर्ता मुखै दे 5 लक्ख बूथें दा दौरा करडन ते जनसंघ ते बीजेपी संस्थापक सदस्यें कन्नै बी मिलंगन।

<><><><><><>

IPL-Cricket

आई.पी.एल टी-20 क्रिकेट च अज्ज संझा हैदराबाद च सनराईजर्स हैदराबाद दा मुकाबला गुजरात टाइटन्स कन्नै होगा। गुजरात 3 मैचें चा दो मैच जित्तियै अंक तालिका च त्री थाहरै पर ऐ। जिस्सलै के हैदराबाद चऊं चा इक मैच जित्तियै सब्भनें शा खल्ल ऐ। कल रातीं चंडीगढ़ च राजस्थान रायल्स नै पंजाब किंग्स गी 50एं रणजें कन्नै हराया। एहदे शा पैहले दिल्ली कैपिटल्स नै मेजबान चेन्नई सुपर

किंग्स गी 25एं रणजें कन्नै हराया। इस जित्त कन्नै दिल्ली कैपिटल्स अंक तालिका च सबभनें शा उप्पर
आई गेआ ऐ।

<><><><><><>